



# UMCULU WETEBULUNGISWA BESIMO SELITULU

# **Umculu we**Bulungiswa****

## **Besimo Selitulu**

**Ingci 2020**

Ngenela Inhlango yeMculu we**Bulungisa** weSimo Selitulu!

Chumana na: [copac2@icon.co.za](mailto:copac2@icon.co.za)

011 447 1013

[www.safsc.org.za](http://www.safsc.org.za) [www.copac.org.za](http://www.copac.org.za)



# **Umculu weteBulungiswa Besimo Selitulu<sup>1</sup>**

## **1. Mayelana neteBulungiswa Besimo Selitulu Nyalo**

Njengebantfu base-Afrika, sihlala ndzawonye kulevekati lelindalekile nalelihle lapho kucale khona umlandvo webantfu. Sonkhe sichunyaniswe kumuntfu wekucala loephila imphilo lecondzile, anemaphupho, wacabanga futsi waphilisana netitjalo, tilwane, imifula, emalwandle nemahlatsi. Namuhla loluntfu loluvamile nelikusasa lalo lusengotini lenkhulu. INingizimu Afrika angeke itsatsele phasi lensayeya. Kusetjentiswa lokuchubekako kwawoyela, kwegesi nemalahle kuniketa emandla umnotfo wetfu nemphakatsi kwenta umhlaba wetfu ungaphileki kuyo yonkhe imphilo.

UMhlaba ulinyatwa nguloluhlelo lolubeka phambili tinzuzo ngaphambi kwemphilo. Kuyo yonkhe iminyaka, emazinga ekushisa enyuka nemiphumela lemibi kakhulu. Ngekukhula kwedigri yinye (1) yeSelisiyasi ezingeni lekushisa kwemhlaba kusukela kwacala irivolushini yetimboni, tonkhe tintfo tigucuka masinyane: kwandza kwekushaceka kwesimo selitulu lokwendlulele (tomiso, tikhukhula, imililo yasendle, tiphepho letikhulu letinemandla, emagagasi ekushisa), kubhidlikwa kwemvelo, kukhula kwelizinga lelwandle, kanye nekucindzeteleka lokukhulu kwetinhlelo teMhlaba. Siphatseke kabi ngobe likusasa lelinesimo selitulu lesisimeme liyalahleka. Somiso lesicedza kndlula sisifundzise lesifundvo. Sikwatile ngobe baholi betfu abalaleli. Kungalingani nekuhlupheka kwebantfu betfu, kufaka ekhatsi ngalesikhatsi sembulalave weCovid-19, kubese sekuyanza kakhulu. Nanobe kunjalo, sinelitsema ngobe isayensi yesimo selitulu ihambisana natsi.

---

<sup>1</sup>Lomculu weteBulungiswa Besimo Selitulu uphuma eminyakeni lesitfupa yekukhankhasa, ngesikhatsi sesomiso lesikhulu emlandvweni waseNingizimu Afrika, beMkhankhaso weBukhulu beKudla be-Afrikanesikhungo Lesinye seNchubomgom Lehhlanganyelwe. Ususelwe eligalelwenilephuma emimangweni lengenawo emanti, kutemisakato, kutebasebenti, kubetenkholo, kulusha, kubososayensi besimo selitulu, kutifundziswa, kutinhlangano tabomake, kutinhlangano tetemvelo netebulungiswa betenhalakahle, nasemibhalweni yetishoshovu letihamba embili. Inkhomfa leyabanjwa ngaNovemba 2019 yahlanganisa idrafthi leyabese seyifakwa ku-inthanethi kute kutfolwe imibono yesive. Umjikeleto wekugcina wekutfola emagalelo esive waniketwa kuMhlangano Webulungiswa Besimo Selitulu lowabanjwa ngamhlaka 16 Juni 2020. Ledokhumenti ingumphumela walenchubo yenkulumiswano nekuhudvula tinyawo kutebulungiswa besimo selitulu.

Njengesayensi yeCovid-19, isayensi yesimo selitulu imema sinyatselo sekunakekela nyalo. Lomculu usimemo kubo bonkhe labacabangela imphilo yeluntfu nalekungesiyo yeluntfu kwekutsi basebentisane ekuchubekiseni umbono locatjangwako - wemaphupho ebantfu, letinye tindlela netifiso tekundlulela kulesinye simo lesinebulungiswa lesijulile.

Timayini, tindzawo tekuhluta, imitsi leshisa imfucuta, tikhumulo tetindiza, timboni tasemende, netimoti kuletse kungcola, kugula, iphoyizeni nekuhlupheka kwemimango yetfu. Ibhizinisi yetekulima lesebentisa imitsi naletfumela imikhicito ngaphandle iyaneta etifeni letinyenti. Nanobe kunjalo sihlanganyele. Ngetifundvo letifundziwe ngalokulimala nekubaluleka kwaletintfo letivumela imphilo levamile (umhlabo, emanti, kwehlukahlukana kwemvelo, umbani, luhlelo lwemhlabo nemkhakha wesayibha), siyachubeka ngekutibophelela kwetfu kubulungiswa, lobuhlonwe emandleni ebantfu. Kungako, sikhetsa ngekucophelela kucedza lemphi nemvelo.

Lokushacisako lokunyenti kwesimo selitulunenkinga yemvelo kutawuholela ekuhluphekeni lokunyenti (nakumibulalave leminyenti), kulinyenti, ikakhulukati basebenti, labaphuyle, bantfu labakhuatekile, labangenamhlaba nalabasengcuphelweni. Loku akusito tinhlekelele temvelo kuphela kodvwa kwehluleka kwebuholi. Njengobe sivikela luchungechunge lwemphilo futsi siphila nekonakala kwesimo selitulu, sidzinga kucedza kungabi khona kwebulungiswa bebuve, besigaba sekuphila, bebulili nebemvelo. Angeke sivumele bomake nebantfwana labaphasi bahlupheke nganca yalenkinga, njengakudzala futsi nangesikhatsi seCovid-19. Umsebenti wekunakekela longabonakali wasekhaya nekutinikela kwabomake emimangweni lephuyile kufaka sandla ekuvaleni lelihlazo lekuhlupheka ngalesikhatsi kubusa kwaladvuna neludlame kuchubeka. Umphakatsi longenakhabhoni netinhlelo letisekela imphilo ngemphumelelo usho kukhululeka kwawonkhe wonkhe, kufaka ekhatsi titukulwane takusasa, kuloluhlelo lwekululala imvelo. Lona ngumshikashika wesikhatsi setfu futsi ngumsebenti wemlandvo wetfu njengebantfu baseNingizimu Afrika, njengeluntfu futsi njengencenyen yemmango lophila emhlabeni wonkhana.

## **2. Tinjongo teMculu**

Lomculu uhlose:

- 2.1 Kuchubekisa kwatisa ngekutsi siyachuma sihlalisane kuplanethi yinye. Umhlabu ulikhaya linye lato tonkhe tintfo. Kungako-ke, sidzinga kucinisekisa indzima nemisebenti yetfu njengebabhasobhi bemvelo yeplanethi yetfu naloluchungechunge loluncengencenge lwemphilo leyisekelako.
- 2.2 Kugcugcutela kwehluka kulomcabango lobangele lenkinga futsi locinisa kutsatseka ngekukhula, inchubekelbili nekulawula. Emandla eluntfu acindzelwe ngulemikhawulo, imijkeleto, tingucuko letikhulu neminyele yayo yonkhe imvelo. Kucabanga lokunyenti lokufanako lokulimata Umhlabu, kuwuphocelela kwekutsi uphendvule ngemandla lesingeke siwamele.
- 2.3 Kuchumana kabusha nemcondvo logcile Emhlabeni wekutsi kusho kutsini kuba ngemuntfu. Indalo ayipheli, futsi siyincenyeye yakhona lencane. Kumele sidvumise kwekutsi yonkhe incenye yemvelo inelusito lolumcoka futsi kumele ihlonishwe.
- 2.4 Kucinisa kusebentisana. Sisebenta kakhulu njengebantfu nangabe sikhombisa kumelana, kwabelana, kuphila kancane, sikhululekile, sicianisekisa tidzingo tetfu futsi silondvolota tisekelo temhlabu wemphilo yetfu. Sikhatsi sekufaka incabhayi nekucedza bugovu, kuphangana, kuncintisana, ludlame nemcondvo wekuncoba kweluntfu sewufikile.
- 2.5 Kucedza lenkinga yebuholi betepolitiki lobukhohliseke ngekwenta imali, lobungakhoni kucabanga ngetulu kwesikhatsi lesifisha, ‘tintfo letenteka ngekxesichelo’ letehluleka kuvisisa sisusa saletinkinga. Sicitsa tisombululo tabo temanga letichubekisa lokusetjentiswa kwekhabhoni futsi nekubhebhetsisa loluhlelo lolubulala imphilo lolungenabulungiswa.
- 2.6 Kucinisa intsandvo yetfu yelinventi, umtsetfosisekelo nemtsetfosisekelo logculako, ngekubuyisa emalungelo etfu nekwakha emandla ebantfu

lababumbene, njengobe sibukana nesimo selitulu lesibucayi kanye netikhalo tetenhlalakahle netemvelo letiya ngekwandza.

### **3. Imigomo yeLushintjo Lolujulile Lolunebulungiswa**

Wonke ummango, sigodzi, lidolobha, lidolobhakati nendzawo yekusebenta kumele iyise embili lushintjo lolujulile lolunebulungiswa kucinisekisa luntjintjo lwetenhlalakahle nemvelo. Lemigomo lelandzelako itawuhola letinye tindlela, tinhlelo netinchubo leticondze eluntjintweni lolujulile lolunebulungiswa emphakatsini wetfu:

- 3.1 Bulungiswa besimo selitulu:** Laba labangenamtselela lomkhulu kumele bangalinyatwa nobe batfwale letindleko temitselelo yesimo selitulu. Kungako tidzingo tebasebenti, labaphulile, labangenamhlabu, bantfu labanekukhubateka, bomake labaphasi, bantfwana nemimango lesengcuphelweni ibe semkhatsisini waloluntjintjo lolujulile lolunebulungiswa. Tinzuzo tetingucuko tetenhlalakahle netemvelo kumele kwabelwane ngato ngekulingana.
- 3.2 Bulungiswa betenhlalakahle:** Bulungiswa besimo selitulu bulungiswa betenhlalakahle. Kubukana nato tonkhe tinhlobo tekubandlulula nencindzetelo njengobe ihlobene nebuve, sigaba sekuphila, bulili, nebudzala kute kulondvolotwe bulungiswa besimo selitulu nebetenhlalakahle.
- 3.3 Kuphila ngekucabangela imvelo:** Kuphila malula, kancane nangemcondvo, ngendlela lecabangela imvelo, leyemukela bungcwele bayo yonkhe intfo lephilako, kuchumana kwetfu futsi leyengeta tinkambo tenhloniphon nekunakekela.
- 3.4 Intsandvo yelinrenti yekuhlanganyela:** Tonkhe tinchubomgomo tesimo selitulu neteluntjintjo lolujulile lolunebulungiswa kumele takhiwe ngemavi

ngekuvumelana nangetidzingo tabo bonkhe bantfu, ikakhulukati labo lababukene nekulimala.

- 3.5 Buniyo bemphakatsi:** Etindzaweni tekusebenta nasemiphakatsini, emandla ebantfu kumele atikhombise ngekulawula nangebuniyo bentsandvo yelinyenti, kufaka ekhatsi ngemitimba yesive yentsandvo yelinyenti, ngetinhlangano, ngekuhlalisana, ngebuniyo betindzawo tekuhlala nangekuhlela ngekuhlanganyela, kufaka ekhatsi kubhajetha ngekuhlanganyela, emadolobheni nakumadolobhakati, kute kucinisekiswe kuphatsa ngekubambisana kwetindzawo netinhlelo letesekela imphilo.
- 3.6 Lubumbano Iwamhlabawonkhe:** Umshikashika wawonkhewonkhe ngumshikashika wekwabelana kugcina imphilo. Engcikitsini yekonakala kwesimo selitulu lokuya ngekwandza, lubumbano Iwamhlabawonkhe lusemkhatsini kuloluntjintjo lolujulile lolunebulungiswa njengobe lusebenta kuhlanganisa wonkhe labalwela inkhululeko kanye nemhlaba wangemuva kwekhabboni.
- 3.7 Kukhipha kubuswa kwemibuso:** Kubuswa kwemibuso, kwesekela kubuswa kwemibuso nekuphatfwa kwemibuso yalamanye emave kusiholela ekushabalalen iwtintfo. Loku kususelwa ekukhontweni kwekugutjwa kwemitfombolusito, kwetheknoloji, kwetimali, kwebudlova nekwetimakethe. Sitawukhipha loluhlelo ngekutimisela njengobe siciinisekisa budlelwane bekukhululeka phakatsi kweluntfu kanye nemvelo lengesiyo ebantfu letfolakala emlandvweni wetfu, kulisiko, elwatini nasemshikashikeni wonkhana walabacindzetelekile emhlabeni.
- 3.8 Bulungiswa lobuhlanganisa titukulwane:** Kunakekelwa kwetindzawo tasemhlabeni nemvelo kusemcoka kubulungiswa lobuhlanganisa titukulwane; kulondvolota likusasa lebantfwana betfu, lusha nalaba labangakatalwa.

#### **4. Letinye Tindlela Letihlelekile Teluntjintjo Loluguculwako**

Sibukene netinkinga letinyenti kodywa lenkinga yesimo selitulu ngiyo leyingoti kakhulu. Ngekulungiswa kwalenkinga yesimo selitulu, letsikameta konkhe, singaphindze sichubekise tisombululo kuto tonkhe tikhalo tetenhlalakahle netemvelo futsi ngalokuvamile kakhulu sicedze lemphi lesinayo nemvelo. Letinye tindlela letihlelekile tidzingekile kulungisa letimbangela tekugucuka kwesimo selitulu, bungoti bato netincindzetelo tekubhidlika kwetinhlelo.

Kunaletinyetindlela tebantfu kumafutsa etimbiwa phasi, langahlangabetana netidzingo tetfu, akhulise likhono letfu lekubukana netinhlekelele tesimo selitulu nekusilungisela kuvuselela tinhlelo letisekela imphilo. Letindlela letinye letinjalo ticatjangiwe futsi tiyincenyemshikashika yebantfu yekukhipha ikhabboni emiphakatsini nyalo njengencenyeyeluntjintjololujulile lolunebulungiswa. Sitibophelele ekuchubekiseni letindlela letinye letinjalo netingucuko tetinhlelo tentsandvo yelingenti kusukela ngaphasi.

**4.1 Intsandvo Yelingenti Netinhlelo Letijulile Letinebulungiswa:** Tinchubo tekusuka etulu uye phasi kuloluntjintjololujulile lolunebulungiswa titsatsa kwangatsi bantfu abaticabangeli futsi abanatimphendvulo. Sisonkhe, yonkhe imimango nendzawo yekusebenta sidzinga kututfukisa luhlelo lweluntjintjololujulile lolunebulungiswa. Loku kumele kwentiwe ngendlela yentsandvo yelingenti kute kwesekele kuntjintjwa kwembani kwekutsi ukhiphe ikhabboni, ngalesikhatsi kuLangabetwana netidzingo letisemcoka, futsi nekuchubekisa tindlela letinyenti letihlelekile, tinjongo nemigomo njengobe ibekiwe kuloMculu.

**4.2 Umbani Lovuselewako Wemphakatsi Newasemmangweni ngeKukhishwa**  
**Ngekuphangisa Kwemafutsa Etimbiwa Phasi:** Kwtsembla kwetfu emalahleni, kuwoyela nakugesi kumele kucedvwe njengobe kuphangisisa kubhidlika kwesimo selitulu, lekuyintfo leholela emhlabeni longahlaleki ekugcineni. Emandla enozi ayingoti futsi ayabita. Kunaloko, sitawutfutfukisa tinhlelo tembani lovuselewako wemphakatsi futsi losemangweni

(njengembani wesola, wemoya newemagagasi), lowesekelwa kubhajetha ngekuhlanganyela netikhutsati (njengematharifu ekungenisa umbani) tetindzawo tekusebenta, temakhaya netemiphakatsi yetfu. Ematheknoloji embani lanjalo kumele akhiwe eNingizimu Afrika, ngekusebentisa umbani lovuselewako. Kusetjentiswa ngalokufanele kwembani netheknoloji kutawudzingeka kakhulu kuloluntjintjo. Kuphuma kumafutsa etimbiwa, kupheliswa kwekusekelwa kwemafutsa etimbiwa nekucedza kugutjwa (njengekufunwa kwetimbiwa, timayini letinyenti temalahle nekugubha elwandle) ngiko lokudzingekako. Bakhiciti bembani labakhulu ngenge-Eskom neSasol kumele batibophelele kuletinhlelo letijulile, letinebulungiswa, kulondvolota timfuno tebasebenti, imiphakatsi letsikametekile nelikusasa letitukulwane.

**4.3 Kutondla Ngekutimela Ngekudla:** Loluhlelo Iwetimboni tekudla Iwanyalo lukhicia indlala, lusebentisa ngendlela lengakafaneli, lubulala imvelo, lukhipha ikhabhoni futsi alunamphilo jikelele. Kudoba tinhanti kwekuhweba kubulele imvelo yaselwandle futsi kwabukela phasi emalungelo ebadobi bekutiphilisa. Wonkhe ummango kumele ubeke embili kulima lokuncane lokunakekela imvelo kuhlangabetana netidzingo tendzawo. Lilungelo lekudla kumele linikete bakhiciti bekudla, badobi bekutiphilisa labancane, batsengisi basetitaladini nebatsengi emandla etinhlelweni tetindzawo tekudla kwabo kucinisekisa kwekutsi kudla lokungiko kwemasiko nalokunemsoco kuyatfolakala kuwonkhewonkhe. Ngetulu kwaloko, kwehlukahlukana kwemvelo, kulawulwa kwetimbewu nemitfombolusito kudzinga kucinisekisa kubaluleka kwelwati Iwendzabuko, Iwetimakethe tendzawo, kulawulwa kwetindzawo temanti, umsebenti wemhlabo emvelweni nasemphakatsini, nemphilo lekahle. Emapulazi lamakhulu adzinga kuncanyulwa kute kucinisekiswe bulungiswa bemhlabo, kodvwa ngendlela lengakhetsi, lecinisa kubuyisana nekwakha lubumbano.

**4.4 Kuba nentsandvo yelinyenti Etindzaweni Temanti:** Emanti alawulwa ngulabambalwa kantsi labanyenti bayawadzinga ngemphela. Emapulazi

etimboni, timayini, igezi lephehlwa ngemalahle, tinsimu temoba netetingodvo nguletinye letisebentisa kakhulu emanti. Njengelusito emphakatsini, emanti adzinga kulondvolotwa nguwonkhewonke futsi kumele avikelwe ekungcoleni. Lokunye, kusetjentiswa kwemanti kumele kuhlelwe ngekwentsandvo yelinyenti futsi kulawulwe ngemphumelelo ngalesikhatsi kucinisekiswa emalungelo ekusebentisa lomtfombolusito loswelakalako. Sakhiwonchanti semanti nesekutfutawa kwelindlekumele sikhuliswe, siphatfwe futsi sicashelwe kucinisekisa kusetjentiswa ngendlela. Kongiwa kwemanti ngekukhipha kukhicitwa kwemalahle nekulima kwemazinga etimboni letisetulu kutawengeta tindzawo temanti. Kumele kutfutfukiswe umphakatsi locaphela emanti.

**4.5 Jabulela Imphilo Ngekusebenta Kancane:** Kusebenta kwabo bonkhe bantfu njengendlela yekuphila nekutfola umholo akusakhonakali. Kungacashwa, imisebenti lebhadala kancane nekusebenta ema-awa lamadze kulimata umphakatsi. Emhlabeni loshisako, ema-awa ekusebenta kumele ancishiswe, lokungenani emalanga lamane ngeliviki. Imisebenti lecotfo, yesimo selitulu lesingenakhabboni kumele icinisekiswe futsi yesekelwe ngekubambisana, letigcile kumanani naleticaphela imvelo ekukhiciteni, ekudleni, ekwesekeleni ngetimali nangetindlela tekuphila ngemnotfo lobumbene. Umnotfo lonjalo wakhiwa ngetidzingo kanye nekuniketa intsandvo yelinyenti emandla emnotfo. Sisonkhe neluhlelo Iwesibonelelo semholo losisekelo jikelele (UBIG) lolwesekela timphahla tesive letikhona, bonkhe basebenti bangavikelwa kuloluntjintjo loludgingekile futsi nemphakatsi jikelele utawuvikeleka. I-UBIG itawenyusa jikelele luntfu lolutawutfutfuka ngemuva kwemphakatsi losebentako.

**4.6 Tinhlelo Tetekutfutsa Kwesive Letisebenti Imvelo Nembani Lohlobile:** Imboni yetimoti inemtfwalo lomkhulu wekutsatsela phasi loluhlelo lwetekutfutsa sive ngemafutsa lahlobile nangekusisa lokusaphatako kusakhiwonchanti semgwaco lesibitako. Lokulimala kungapheliswa ngekwesekela lokukhulu kwekuhamba ngetinyawo, kwemabhayisikili,

kwetidududu letisebentisa emandla lahlobile, kwemahhashi netimbongolo njengetindlela tekuhamba temvelo. Emadolobhakati nemadolobha nawo adzinga kubete timoto futsi anikete sakhiwonchanti sekuhamba ngemvelo. Yonkhe imimango idzinga kufakwa eluhlelweni lwekfutwala ebantfu labanyenti kufaka ekhatsi emabhasi, titimela, nemathremu lahamba ngembani lovuselewako nangematheknoloji ehayibhridi lasuselwa etimbonini tendzawo temvelo. Kutfutwala kwetimphahla nako kumele kuye kuloliwe. Timoti letingasebentisi igezi letisebentisa emafutsa etimbiwa kumele tikhishwe. Titfutsi tasemoyeni netaselwandle nato kumele tingakhaphi ikhabhoni nobe ilinganiswe.

**4.7 Imphilo Yekungalahli Tibi futsi Lemalula:** Kusetjentiswa ngebunyenti kwemakhomodithi kanye ‘netimphilo temaselebhrethi’ kusebentisa kakhulu imitfombolusito, kuyasaphata futsi kunekhabhoni kakhulu. Ngetulu kwaloko, tindzawo tekulahla tibi, kushiswa kwetibi nekungcoliswa kwemvelo kunebungot. Kungabi nemfucuta kuvala sikhala sekujikeletisa, kusebentisa kabusha, imigomo yemnotfo welubumbano nekuhlela lokusimeme emnotfweni wetfu kute kutsi kube nekugujwa lokuncane kwetinsitanchanti letingakasetjentwa. Ematheknoloji latsite, njengekusetjentiswa kanye kweplastiki, kumele kuvalwe. Sisonkhe ngekuphila lokumalula, singaphila ngemitfombolusito lemincane nangekusebentisa ikhabhoni.

**4.8 Tindlu letakhiwe ngelukhuni, Takhiwo neNemadolobha Esimanje Lasebentisa Imvelo:** Emakhaya lamanyenti lakhona akakahlelwa kumelana netimo telitulu letiyengoti. Lokuyinkinga kakhulu, kutsi labanyenti abanamakhaya emphakatsini wetfu ekubeni tinjinga tenemabala egalufi. Sidzinga kulungisa takhiwo letikhona nemakhaya kute akhone kumelana nekushisa lokunyenti netimo telitulu letiyengoti. Ngalokunjalo, emakhaya lamasha kumele ahlelwe njengencenyne yemimango, tigodzi, emadolobha, tikimu tekucashisa tamasipalatinemadolobhakatilapho tindlela tekwakha tisebentisa tinsitanchanti temvelo, tibe nemtselela lomncane emvelweni

futsi tinikete tidzingo temhlaba wekuhlala wemvelo webantfu njengencenyemango. Tidzingo letinjalo tetindlu, kukhicitwa kwekulda ngendlela yemvelo, kusetjentiswa kwemanti lokusimeme, kwehlukahlukana kwemvelo, kukhuliswa kwebantfwana nelisiko. Semende akasetjentiswa kulengcikitsi ngobe usebentisa ikhabhoni lenyenti futsi kumele akhishwe njengetheknoloji yekwakha.

**4.9 Ngetulu Kwemnotfo Lovamile:** Lomcondvo wekutsi umnotfo wenta kutiphatsa kwemuntfu, imvelo, tinuzo, timakethe, emakhomodithi nekukhula ubulala yonkhe intfo. Umnotfo lovamile ufakazela kuperhela kunjinga kwalabambalwa, kusebentisa kwabo lokubulalako kwemitfombolusito, futsi lokuholela ekungcoleni nasekukhishweni kwekhabhoni. Iminotfo yetfu kumele isebeantele tidzingo tetfu njengebantfu labanakekela inhlalakahle nemvelo kanye netidzingo tetinhlelo temvelo. Sidzinga iminotfo lenakekela kusebenta kwemvelo, kujabula, kuperhila kahle, kucina kwetinhlelo temvelo (ngekuhlola njalo), tindzawo, kanye neminyala yemhlaba. Iminotfo yetfu kumele yakhiwe ngemicondvo nangemathuluzi lahlola simo sekuphila kwato tonkhe tindalo futsi iphelise kulimala kwebantfu kanye nemvelo lengasibo bantfu. Loku kumele kusebente njengesisekelo sekudeka luhlelo, inchubomgom, kwabiwa kwemitfombolusito nekuhlela ngentsandvo yelinyenti.

**4.10 Tinjinga Kumele Tibhadale Sikwelede sato Semvelo:** Bantfu labanjingile emiphakatsini yetfu basebentise imotfombolusito ngalokwendlulele, lokube nemtselela lomubi etinhlelweni temvelo, futsi basebentisa kakhulu ikhabhoni. Basikweleta sonkhe sikweleti semvelo futsi kumele batfwale lomtfwalo wetetimali waletingucuko letijulile letinebulungiswa. Loku kusho umtselo wesikweleti sesimo selitulu walabanjingile; imitselo lesetulu wekuhamba ngetindiza, tindiza tangesese, timoti tebukhatikhati netimoti tegezi; umtselo wekhabhoni lochubekako locondziswe etimbonini letingcolisako letingakhiphi ikhabhoni masinyane; kanye nematharifu ebulungiswa besimo selitulu etinkapanini nakubohulumende bebugebengu

bekhabhoni. Basebenti badzinga kusitakala ngemphesheni nangetikhwama tempshesheni, ngekulawula basebenti, kucinisekisa kutsi loluntjintjo lolujulile lolunebulungiswa luhlangabetana netidzingo tabo futsi lusekela kwakhiwa kwelibhangi letinkapani lolutawusita tindzawo tekusebenta imiphakatsi nemakhaya ngeluntjintjo lwembani lovuselelwako wasemphakatsini nangekuphumelela kwetinhlelo teluntjintjo lolujulile lolunebulungiswa. Timali tesive nato tidzinga kwesekelwa ngemitselo yemvelo, ngetinhlawulo tekungcolisa, ngekukhishwa kwetinsita temafutsa etimbiwa, nangaleminye imitfombo yemitselo lechubekako.

**4.11 Lwati Lumcoka Ekuphileni:** Kunelugebe lelwati lolukhulu emphakatsini macondzana nalenkinga yesimo selitulu leya ngekwandza. Kumele sente umehluko ngetinhlelo telwati letahlukahlukene kute satise sive futsi sikhone kuphila. Lwati lwemdzbabu linemitfombolusito lenemandla yekutsi isisite futsi kumele lutfole, lufundvwe futsi luhlonishwe. Isayensi yeluhlelo lwemhlaba, kufaka ekhatsi isayensi yesimo selitulu, ibalulekile kwatisa sive ngenkinga yesimo selitulu nangetincabhai tayo. Isayensi yesimo selitulu njengesayensi yebantu kumele inconywe ngelwati loluphiliwe ngekuya ngekubona nangekufundza etinhlelweni temvelo. Ngekuya ngebumphicimphici bekugucuka kwesimo selitulu, lucwaningo nelikhono lekucamba kumele kwesekelwe kute kucinisekiswe kuhlela kabusha lokuhlelekile nekuchubekisa timfuno tesive. Emanyuvesi netikolo kumele atibandzakanye kuletincabhai telwati.

**4.12 Lunakekelo Lwetemphilo Loluphutmako, Lolufaka Wonkhana futsi Loluvimbela:** Kungalingani kutekunakekelwa ngetemphilo kusho kulimala kwesimo selitulu kutawuletsa lokuphambene nebulungiswa, njengalesikhatsi sembulalave weCovid-19. Sidzinga tinhlelo tekunakekelwa ngetemphilo kwesive letisebentekako, letifinyelelekako futsi letiphendvulako kute kuhlangabetwe netidzingo tebantu tibuye tilungise tincabhai tetemphilo letifika nekushisa kwesimo selitulu. Tinhlelo tekunakekelwa ngetemphilo letinjalo kumele tikhone kumelana netimo

letibucayi, kulimala matima kwengcondvo, tifo nemibulalave lemisha. Kwatisa ngekunakekela ngalokuphelele nangekuvikela etigabeni letiphasi kumele kyciniswe.

**4.13 Emalungelo Emvelo Netisombululo Tesimo Selitulu Semvelo:** Emalwandle etfu angcolisiwe, emahlatsi abulawa, umhlaba wantjontjwa nekulahlekwa kwekwahlukahlukana kwemvelo kukhulile, konkhe loku kungenca yekufunwa kwenzuzo. Nangabe kumele siphile, tonkhe tidalo letiphilako kumele tihtonishwe. Yonkhe imphilo nato tonkhe tinhlelo temvelo emhlabeni wetfu tiyahlangana futsi kumele tiphile, tiphikelele futsi tivuselele imijiketeliso lesemcoka. Emalungelo endlela yemvelo emukela kubaluleka kwangekhatsi kwato tonkhe tinhlobo tetintfo letingesibo bantfu. Ngetulu kwaloko, imvelo inetisombululo tayo ekugucukeni kwesimo selitulu lesingafundza kuko. Tisombululo letinjalo tifaka ekhatsi imisebenti yekulondvolota, kuvuselela nekuphatfwa kwemhlabo lekukhulisa kugcinwa kwekhabhoni emahlatsini, etiteteni, etindzaweni tetjani, etinhlelweni temvelo letiselugwini nasetindzaweni tekulima letinakekela imvelo. Emarejista ekwehlukahlukana kwemvelo laholwa ngummango asemcoka ekuvikeleni nasekuchubekiseni tisombululo tesimo selitulu semvelo.

**4.14 Imisakato Lecaphela Simo Selitulu:** Imisakato ayiwatasi umphakatsi ngalokwanele ngekugucuka kwesimo selitulu. Idzinga kutsatsa isayensi yekugucuka kwesimo selitulu njengentfo lebalulekile futsi yatise umphakatsi ngenkinga yesimo selitulu, ngetindzaba tenchubomgommo nangaletinye tintfo letihlelekile letidzingekako. Tindzaba tesimo selitulu kumele tifakwe kumsakato, kumabonakhashane nakumaphephandzaba.

## 5. NgakumbusoLonebulungiswa Besimo Selitulu Loholwa Ngebantfu

Umbuso waseNingizimu Afrika sewube ngakumbuso webulungiswa besimo selitulu lowemukela simo lesibucayi sesimo selitulu, ngalesikhatsi ucinisa intsandvo

yelinyenti yetfu. Kumele uholwe ngumbono, tinjongo, yimigomo nanguletinye tintfo letihlelekile letiholwa bantfu leticuketfwe kuloMculu futsi tonkhe tinchubomgommo tawo kumele tilinganiswe kute kuphumele loMculu. Ikakhulukati, umbuso lonebulungiswa besimo selitulu utawuphindze:

- 5.1 Uvumele kuhlela kwekuhlanganyelwa kweluntjintjo lolujulile lonebulungiswa kusukela phasi.
- 5.2 Utfutfukise tindlela tetetimali tesive letifana nesikhwama semshwalensi wesimo selitulu sesive kanye nemabhondi laluhluta, unikete ligunya lesikhalo sesimo selitulu kuReserve Bank, watise kabusha sonkhe sive netikhungo tetetimali tangasese kutsi tesekele luntjintjo lolujulile lolunebulungiswa futsi uchubekise tiphakamiso temtselo kuleshatha.
- 5.3 Ucinisekise imitsetfotimiso lechubekako letawufinyeta lomcondvo lobulalako wemali, ubuke imikhawulo etinkapanini, futsi lokubaluleke kakhulu, uvale nobe ngukuphi kugutjwa kwemafutsa etimbiwa esikhatsini lesitako.
- 5.4 Ukhiphe ikhabhoni kuyo yonkhe imisebenti yembuso futsi uekele kusebentisa ikhabhoni kuyo yonkhe imisebenti yawo;
- 5.5 Ngekuphatsa nangakwemtsetfosisekelo uhlele kabusha takhiwo tembuso njengobe tincenye telive atisahlaleki.
- 5.6 Ulungiselele lelive ngemazinga elwandle lakhuphukako futsi utsatse tinyatselo letifanele njengencenye yekuhlela lokuhlanganyelwako.
- 5.7 Ucinise hulumende wasekhaya kwekutsi abe nemandla lamanyenti nemakhono ekuhlela ngentsandvo yelinyenti kute umelane nenkinga yesimo selitulu.
- 5.8 Utfutfukise likhono letikhungo ngeluhlelo iwekuphatsa inhlekelele loluholwa ngebantfu, lolufaka ekhatsi umsebenti wekucisha umlilo wavelonkhe, tibhedlela tesive letisebentako, emacembu esimo

lesiphutfumako, likhono lelikhulisiwe lemisebenti yesimo selitulu nesakhiwoncanti sekuphatsa inhlekelele.

5.9 Wenyuse lucwaningo nelikhono lekucamba kute kuciniswe luhlelobusha loluhlelekile lweluntjintjo lolujulile lolunebulungiswa, watise sive ngekutimisela nekucinisekisa kutsi tonkhe tikhungo tesive tibaholi bebulungiswa besimo selitulu.

5.10 Unciphise konkhe kusebentisa imali lokusaphatako, ucedze inkohhlakalo futsi ufake bucwepheshe kunchubokuphatsa yahulumende ngekucasha bantfu labaphambili eveni kutsi basebentele kuhulumende. Kwakhiwe inchubokuphatsa lengabandlululi ngelibala futsi leholwa bomake.

5.11 Uyise embili kwatisa ngebulungiswa besimo selitulu kubudlelwano bawo nemave emhlabo, kufaka ekhatsi kuvuselelwa kwePan-Africanism, ngekugcugcutela: simo sebulungiswa besimo selitulu phakatsi kwabohulumende base-Afrika kutsi ufune kubhadalwa sikweleti sesimo selitulu kunyakatfo yemhlabo njengenceny yeSivumelwano Sebulungiswa Besimo Selitulu; tijeziso tebulungiswa besimo selitulu kumibuso lenemacula ekhabboni; lubumbano ebantfwini bekuphuma kulamanye emave nebafikinamtfwalo; lucwaningo; letinye tintfo letihlelekile; kuhlanganisa emandla lavuselewako; emakhono ekuphendvula inhlekelele yesimo selitulu; futsi umelele ‘Kupheliswa Kwsivumelwano Semafutsa Etimbiwa’ eluhlelwani lwe-UN lelizuzisa bohulumende base-Afrika.

## **6. Emandla Ebantfu Ekuhlala neSivumelwano Sebulungiswa Besimo Selitulu seNingizimu Afrika**

Likusasa lebulungiswa besimo selitulu lingafinyelelwa ngemandla ebantfu lababumbene. Sifundze loku ngemshikashika wekulwa nembusobucalu, lubandlululo nemibuso lebusa lamanye emave.

Emandla asetincenyeni letahlukene temphakatsi, etinhlelweni lesitakhako, etinhlanganweni lesiyincenye yato, nakupolitiki yasetitaladini lesiyentako. Emandla ebantfu kumele abe phambili ekuvikeleni tintfo letiphilako letigcina tsine netitukulwane letitako.

Bantfu batidalwa letikhona kuphila etimeni letibucayi. Siyatvisisa timbangela tenkinga yesimo selitulu futsi sinetisombululo tentsandvo yelinyenti, letihlelwa kabusha futsi letibulungiswa bekuvimbela kufa. LoMculu Webulungiswa Besimo Selitulu uyikhombandlela; simemo lesimenyetelwe, kusicondzisa sonkhe endleleni yekugucuka kweluhlelo nyalo nakuSivumelwano Sebulungiswa Besimo Selitulu lesicedza kuhlupheka kwalabo labasengcupheni kakhulu nalabacindzetzew. Umtamo loholwa bantfu lonjena utawucinisekisa kwekutsi silungisa letinkinga letinyenti letibukene nelive ngalesikhatsi siccisekisa litsema lalaba labanyenti labacindzeletekile kuloMculu. Asisukumeleni umphakatsi lonakekelako nalobumbene, eNingizimu Afrika nangelubumbano lwemave emhlaba, ngaphambi kwekushiywa sikhatsi.

**Phambili neMculu Webulungiswa Besimo Selitulu neLuntjintjo Lolujulile Lebulungiswa kute Sigcine Impilo!**

